

《中國地方藝文薈萃》編輯委員會 編

學苑出版社

中國地方藝文薈萃

廣東卷·卷六·增刊

華東卷·第六輯
拾

中國地方藝文薈萃

《中國地方藝文薈萃》編委會 編

貴州師範學院內部使用

閩詩錄甲集六卷乙集四卷丙集
二十三卷丁集一卷戊集七卷（三）

貴州师范学院内部使用

閩詩錄甲集六卷乙集四卷丙集二十三卷丁集一卷戊集七卷（三）

（清）鄭杰輯（清）陳衍補訂

據清宣統三年（一九一一）刻本影印

閩詩錄丙集卷十三

侯官鄭杰原輯

侯官陳衍補訂

黃 幹

幹字直卿一字季直號勉齋閩縣人御史瑀
子嘉定間補將仕郎歷知漢陽軍安慶府主
管武夷沖祐觀亳州明道宮有勉齋集

閩中錄云勉齋受業朱門之門朱子見其足
以傳道以女妻之所著經禮諸書常同參定
築竹林精舍成謂他時可代卽講席者其直
卿乎晚年致仕家居受學益衆卒諡文肅

答曾伯玉借長編二首

白言金上卷之三
一
白露下百草迅商薄修林幽人起長懷感此節物深
攬衣白徘徊撫劍還悲吟丈夫各有志莫作兒曹心
涉遠當疾趨畏景須就陰願言理輕車去上南山岑
祥麟跡魯郊孔袂何漣漣傷哉經濟心付與文字傳
馬公述孔志托意爲編年是非一以判纖悉不復捐
問君臥邱壑繭手磨丹鉛願言得其解努力希聖賢
侍晦翁飲浮翠用劉叔通韻

涼風振幽壑陰雲翳前山高懷厲清秋適意林莽間
煙橫萬家井水淨雙溪灣徙倚暮忘歸人境相與閒
遊子獨何爲千里方言還陪此杖履遊忘彼道路艱

心期更他年依巖結柴關

拜文公先生墓下

暝投大林谷晨登峯如亭高墳鬱嵯峨百拜雙淚零
白楊白蕭蕭宿草何青青悲風振林薄猿鳥爲悲鳴
音容久寂寞欲語誰爲聽空使千載後儒生抱遺經

早觀龍湫

夜宿羣峰裏朝遊大石湫寒潭飛薄霧疊嶂瀉洪流
側徑蒼苔滑叢祠古木幽神龍好高卧雲雨不勝愁

挽雲門鄭君

結友雲門日曾聞谷口翁松肥三逕雨鱸熟一絲風

行業鄉閭敬詩書子姓同論心獨餘恨秋草對碑豐

和魏元明四月菊

鶉鳩纔鳴歇衆芳忽看佳菊變秋光江頭雨漲梅同
熟隴上風清麥正黃莫待重陽拚一醉不愁長夏自
微涼籬根休遣兒曹見又說梨花捧壽觴

和江西王倉中秋賞月韵

明晦從渠造物慳好天佳月靜時看一輪天外長明
徹萬象胷中白屈盤星逐使來隨處見霜侵臺迥逼
人寒休觀玉兔頻頻擣活國須公九轉丹

劉正之宜樓四首

劉正之創新居以宜名其燕處之樓謂其春夏秋冬無不宜也同志之士既已共賦之矣予因採詩之四宜以廣其意焉一章言宜其室家也二章言宜爾兄弟也三章言宜爾子孫也四章言罄無不宜也讀之者亦足以見予與正之道義相與之意云

春風滿庭除琴瑟亦靜好
獲中有歡伯相祝以偕老
屏山重回首日暮起長思
鴻雁來翩翩共賦棠棣詩
君家兩甯馨翠竹栖鸞鳳
筦簟燕新居孔釋復抱送
山以靜故高水以靜故深
福祿豈外求萬感皆人心

喜雨用前韻

雲霓天外起層層，畢月相隨徹夜橫。
費得天公能幾力，數州愁苦變歌聲。

睡覺歌聲古道旁，有人中夜攬衣裳。
床頭斗酒聊自酌，不爲書窗一夜涼。

陳有聲

補

有聲字廣宗，長樂人。嘉定間以進士尉上高。
廉靜不擾教士子，以作賦之法。

重修聖濟院

蒙泉距宜春相去百餘里，有僧來問余借問何姓氏。

乃余昔所敬見之蹙然喜敘余語未旣省記到山始
屋廬今何如舊者存有幾一別十八年再見復在此
僧云今勝前百蠹費更理昔茅塞蹊徑今道平如砥
昔門不容蓋今可駟結軌昔堂地一坳今去天尺咫
暈飛雨廡列翼從萬瓦起古殿布丹雘雲龕照青紫
臨流地寬曠一帶碧清泚竹院密回環松關秀兩峙
峰巒對青眼泉石洗幽耳最上兩龍湫層崖狀奇詭
水旱凡禱祈響答應甚邇載念此招提明禪祖基址
傳燈焰不續老子心所恥莊嚴七寶界因果非偶爾
問余求篇題以爲歲月紀余老書最拙況在塵筆裏

欲到身未能欲輟請未已忽然若天會拈筆書滿紙
大空一浮漚無成亦無毀廣濶包八荒歛藏歸一指
道足滿須彌意合在稊米幻成如是觀佛亦不在是
虛空白且光澄波靜無滓四山時出雲一月照徹底
天開道門庭不斷佛種子心地口杲杲光照千萬祀

陳 宓

宓字師復俊卿子莆田人嘉定中以父廕授
南安監稅知安溪縣後知漳州以直秘閣奉
祠卒諡文貞有復齋集

蘭陔詩話云公少遊朱文公門長從黃勉齋
遊信道甚篤嘗自言居官必如顏真卿居家

必如陶潛又深愛諸葛亮身死家無餘財庫
無餘帛庶乎能蹈其言云詩多見道之言亦
清微無腐氣

往行都至嚴州烏駐館阻水留二日

村館通宵冷江鄉五月秋野梅酸味足隴麥餌香浮
水滿迷行逕瀾揚過去舟亭衢如可待莫厭小淹留

城山松隱巖

穀城巖穴似飛來十里水光鏡面開夜雨松窗僧榻
靜秋風柳岸釣船回尋幽便扣興雲洞乘興還登呼
月臺每到西湖吟詠處令人偏憶故山梅

陳 堦 補

堦俊卿之後知南安縣

謝趙憲副使惠建茶

貢餘自合到侯王誰遣甘芳入
覓腸野客驚看龍鳳
鈐家人學試蟹魚湯題來諫議三
封印分到尙書八
餅網盡灑從前腥腐氣時時澆
取筒編香

莆陽文獻

莊夢說

補

夢說泉州人嘉定間仙遊縣尉

次許宰普惠院祈雨韵

華鯨呼客響修廊杖履來遊舊
葡萄堂窅堵擎天光繚
繞遠山排闥翠昂藏高僧宴坐
鬚髯古縣尹新題詩

句香喚雨雨來端有驗會看行旅不齋糧興化府志

許伯翊補

伯翊同安人嘉定九年以承事郎知仙遊縣

終福州府通判

訪景山

奉陪南極老來慕北山名鑿石濃書墨流觴款敘情
問誰挹仙袂笑我縛塵纓知是龍門客終難卧孔明

仙遊縣志

王邁

邁字實之號臞軒仙遊人嘉定十年登進士

第通判漳州坐交真德秀魏了翁削秩復知
邵武軍以秘閣提點廣東刑獄贈司農少卿

對青亭

終日在山中不知山可愛欲愛山中趣須在山之外
南山不古今悠然與意會西山無朝暮佳致固長在
蔡君金玉人結亭避闐闐面面蒼壁屏坐卧與青對
晚曦射紫翠宿雨濯藍黛能消幾兩屐不賞此奇慳
芙蓉爲君裳蘭茝爲君珮今非避世時乃學陶謝輩
諸公富唱酬拔戟各成隊我出一轉語成功身始退
君爲端明胄忠孝終必大山靈縱有盟一出合破戒